

2024

RONA TINTA

e-BULETIN
EDISI
2024

FAKULTI PENGURUSAN & PERNIAGAAN
UNIVERSITI TEKNOLOGI MARA
CAWANGAN NEGERI SEMBILAN, KAMPUS REMBAU



CHIEF EDITOR
SYAZLIANA KASIM

EDITORS
FARRAH OTHMAN
NOOR AZILLAH MOHAMAD ALI
SHahrul Amri Ab Wahab
DR. HAFIZ ALI, M.





PELABURAN KRIPTO ETHEREUM DI MALAYSIA PADA 2024

**MOHD AZLAN ABDUL MAJID & AFIZAN
AMER**

Pelaburan kripto. Banyak yang bicara berkaitan dengan matawang kripto seperti Bitcoin dan sebagainya. Tetapi adakah anda sedar matawang kripto bukan sahaja terdiri daripada Bitcoin sahaja.

Pandangan masyarakat awam terutama di Malaysia, ramai yang mengatakan ia adalah pelaburan penipuan, pencurian elektrik untuk tujuan perlombongan dan sebagainya. Adakah ini benar? Secara definasi, matawang kripto seperti Bitcoin adalah matawang digital yang bergantung dengan “peer-to-peer” dengan menggunakan sistem internet yang disentralisasi kepada lejar awam. Apakah maksudnya? Dengan bahasa yang mudah, Bitcoin adalah matawang yang dilahirkan dengan sistem komputer di mana ia berkaitan dengan kod dan semua transaksi adalah di miliki dan boleh diakses oleh masyarakat awam. Kedua adalah “blockchain” ataupun rantaian blok. Ia adalah sistem maklumat dan data yang disentralisasi kepada blok. Bahasa mudahnya Bitcoin adalah matawang data yang menggunakan kripto manakala rantaian blok adalah pangkalan data dalam blok dalam sistem komputer.

Dengan kefahaman asas ini, boleh kita ketahui yang matawang kripto bukan sahaja terdiri daripada Bitcoin sahaja, tetapi daripada pelbagai lagi matawang kripto. Mengikut data terkini pada tahun 2024, terdapat 13,217 jenis matawang kripto yang terdiri daripada Bitcoin yang di anggap matawang yang utama. "Altcoin" ataupun matawang kripto selain bitcoin seperti Ethereum. Dan "Meme coin" ataupun matawang meme yang dibina untuk hiburan dan meme seperti Shiba Inu dan sebagainya. Ethereum juga bukanlah sekadar matawang sahaja. Ia adalah sistem rantaian blok yang menjana internet moden, internet kecerdasan buatan dan pelbagai lagi kegunaan internet lapisan kedua yang mejadikan dunia moden kita sekarang, moden.

Daripada data terkini, Bitcoin mempunyai nilai pasaran sebanyak RM 5.256 trillion, Ethereum pula di tempat kedua dengan RM 1.388 trillion. Ketiga adalah Binance iaitu RM 367.92 billion dan yang keempat adalah Solana iaitu RM 293.58 billion. Data ini menggunakan kadar matawang semasa iaitu 1 USD = RM 4.38. Manakala nilai ekonomi Malaysia pada tahun semasa iaitu dengan jangkaan pada tahun 2024 adalah RM 1.830 trillion. Ini bermakna jika Bitcoin adalah negara, ia mempunyaikekayaan 2.87 kali ganda daripada Malaysia. Manakala Ethereum pula mempunyai 75.6% kekayaan Malaysia. Data ini sangat mengagumkan.



Gambar 1: Simbol kripto Ethereum

Oleh hal demikian, bicara terhadap Etherum, ramai dikalangan rakyat Malaysia tidak mempercayai matawang kripto disebabkan harganya yang tidak menentu dan berubah dengan pantas berbanding pasaran saham tradisional. Sebagai contoh pada 27 April 2017, Etherum cuma berharga RM 231.31. Tetapi pada 8 November 2021, Ethereum bernilai RM 20,231.32 bagi setiap satu token Ethereum. Pada masa sekarang pula nilai Etherum adalah pada RM 11,545.68 iaitu pada bulan Ogos 2024. Pandangan masyarakat di Malaysia terdiri daripada daripada dua pandangan utama; pelabur dan masyarakat.

Pertama sebagai pelabur runcit. Dengan keadaan harga yang boleh meningkat sebanyak 87.58 kali ganda dan tidak menentu seperti ini adalah indah bagi pelabur. Ini disebabkan pelabur bukan sahaja boleh melabur dalam pasaran semasa sahaja, tetapi

juga dalam pasaran derivatif. Dengan harga yang tidak menentu ini pelabur terutama pelabur spekulasi bukan sahaja boleh menjana keuntungan dalam pasaran semasa iaitu membeli murah dan menjual mahal. Tetapi jika harga yang jatuh mereka sudah tentu menjana keuntungan daripada pasaran derivatif. Pelabur tradisional seperti pelabur runcit juga menyukai kripto seperti Ethereum yang di dapati ia membina keuntungan yang lebih banyak pasaran tradisional seperti "Standard & Poor 500", Nasdaq dan Dow Jones di Amerika Syarikat dan pasaran tradisional yang lain. Banyaknya. Melabur RM 1 tetapi pulangan RM 87 hanya dalam masa 4 tahun. Jika melabur di bursa saham paling banyak keuntungan yang dijana cuma 2 ke 7% setahun yakni 8 ke 30% selama 4 tahun. Manakala pelaburan kripto Ethereum boleh menjana hingga 8700% dalam masa yang sama. Pelabur institusi seperti Fidelity, Greyscale lain lain yang telah melancarkan ETF Ethereum pada tahun ini. ETF bermaksud "Exchange Trade Fund" ataupun Dana Dagangan Pasaran. Pelabur institusi di Amerika Syarikat pula sangat menyukai pelaburan kripto Ethereum ini di mana mereka melabur tanpa henti dan tidak mempedulikan harga pasaran yang disebabkan pulangan yang tinggi. Manakala di Malaysia, ia terdiri lebih kepada pelabur runcit dan kurang pada pelabur institusi.

Kedua adalah pandangan umum masyarakat Malaysia. Sudah tentulah ada dua pandangan utama. Pertama adalah rakyat yang memang tidak percaya terhadap pelaburan ini. Ini disebabkan kripto Ethereum ini sangat tidak menentu dan dalam masa beberapa tahun sahaja harganya boleh tinggi dan rendah dan menjadi ketakutan kepada pada masyarakat yang pertama kali menjek kaki dalam pasaran ini. Mereka faham akan pelaburan tetapi tidak menyukai aset kripto yang senang berubah. Yang kedua adalah masyarakat yang tidak ambil kisah langsung terhadap pelaburan dan memburukkan lagi keadaan adalah pihak media masa yang sentiasa mencanangkan masalah matawang kripto seperti pencurian elektrik untuk tujuan perlombongan dan penipuan pelaburan.

Kesimpulannya, di harap rakyat Malaysia perlu lebih cakna terhadap matawang kripto seperti Ethereum ini. Bukan sahaja Ethereum adalah matawang kripto sebagai asset saham tetapi kegunaan di masa kecerdasan buatan dan teknologi internet yang berkaitan dengan rantaian blok. Ethereum adalah salah satu alternatif kepada pelabur di Malaysia yang sangat menguntungkan sambil sahamnya menjana teknologi internet moden kita sekarang.

Rujukan

Bitcoin price today, BTC to USD live price, marketcap and chart | CoinMarketCap. (2024, August 22). CoinMarketCap. Retrieved August 22, 2024, from <https://coinmarketcap.com/currencies/bitcoin/>

Ethereum price today, ETH to USD live price, marketcap and chart | CoinMarketCap. (2024, August 22). CoinMarketCap. Retrieved August 22, 2024, from <https://coinmarketcap.com/currencies/ethereum/>